

KIO ESTAS LA ĈE-SIGNADO?

Multaj produktoj, kiuj aperas sur la merkato en la Eŭropa Ekonomia Spaco, devas porti la CE-signadon. Unuavice tio koncernas teknikajn produktojn, kiel ekz. maŝinojn, protekt-ekipaĵojn sed ankaŭ ludilojn.

Per la ĈE-signado la produktinto konfirmas, ke la produkto plenumas certajn sekurecpostulojn minimumajn.

Absoluta sekureco – en la senco ke „nenio plu povos okazi“ - neniel estas atestata, sed nur sekureco, kiu dependas nelaste de teknikaj eblecoj kaj de ekonomiaj cirkonstancoj.

La minimumaj sekurec-postuloj estas regulitaj en leĝaj normoj por apartaj produkt-grupoj. Tiuj leĝaj normoj por produktoj kun la CE-signado bazas sur unuecaj direktivoj de la EU kaj egalas en la tuta Eŭropa Ekonomia Spaco. Ĉu el Irlando, ĉu el Cipro, la produkto devas esti samsekureca.

Kelkaj produktoj ĈE-signitaj estas uzataj ankaŭ ĉe la laboro. Ankaŭ por tiuj labor-rimedovalidas la normoj, do ili devas porti la CE-signadon:

- maŝinoj
- elektroaparatoj
- premtenujoj
- personaj protekt-ekipaĵoj
- medicinproduktoj

LA DEVIGO DE PRODUKTANTO AŬ DE MERKAT-ENKONDUKANTO

La produktanto devas plenumi la leĝajn normojn pri produkt-sekureco. La sekurec-pruvo okazas en precize regulita procedo („procedo de la konformeco“). En multaj kazoj la produktanto rajtas atesti memstare la konformecon. Sed por tre danĝeraj produktoj, farantoj devas komisi eksterentreprenan institucion al speciala ekzameno („ekzameno pri konstruspecimeno“).

Ankaŭ se produkto portas la ĈE-signadon, la uzado povas esti danĝera. Precipe ĉe kelkaj prilabormaŝinoj ne ĉiuj danĝerlokoj eviteblas teknikrilate. Tamen la produktanto estas devigita, eviti laŭeble bone ĉi tiujn riskojn kaj atentigi pri restaj danĝeroj en la uzadinstrukcio.

Se la produktanto ne atingebblas, la merkat-enkondukanto havas la samajn devigojn. La sekurecpostuloj ankaŭ estas plenumendaj, se memfarita produkto nur disponas por propra uzo aŭ se produkto estas importita el lando ekster la Eŭropa Ekonomia Spaco.

Uzad-instrukcio

La leĝaj normoj pri produkt-sekureco devigas la faranton kunliveri uzad-instrukcion aŭ produkt-priskribon.

La minimuma enhavo de la uzad-instrukcio (ekz. por maŝino) respektive de la produkt-priskribo (ekz. por persona protekt-ekipaĵo) estas ankaŭ regulita en la koncerna normo.

DEVIGO DE LABORDONANTO

La uzad-instrukcio respektive la produkt-priskribo estas fundamenta parto de sekura uzado.

Labordonantoj devas principe zorgi pri la plenumado de uzad-instrukcioj.

Signifo de la ĈE-signo en la praktiko

La ĈE-signo ne estas kvalitsigelo, sed estas la indiko, ke produktanto efektivigas la minimumajn sekurec-postulojn.

Uzante ĈE-signitan laborilon la labordonanto povas fidi je la plenumo de sekurecaj kaj sanecaj postuloj ĝis kiam kontraŭa indiko ne montriĝas.

Se aperas duboj pri la sekureco de ĈE-signita labor-rimedo, ekz. ĉar okazis akcidento, la labordonanto devas ekzameni la aferon, ĉar homoj povus esti endanĝerigitaj. Antaŭ plua uzado la produktanto aŭ la merkat-enkondukanto estu konfrontita kun tio difekto por atingi riparon. Sed la respondecop por la plua uzo restas ĉe la labordonanto.

Se ne eblas korekti la difekton, tiam aliaj protekt-aranĝoj estu enkondukitaj aŭ la plua uzado estu malpermesita.

REKOMENDOJ POR NOVAĈETOJ

- Insistu pri la „sekureco“ de la produkto, ekz. per konforma formulado de la aĉetkontrakto.
- Ricevante produkton kontrolu la kompletecon, aparte la ĉeeston de protektiloj kaj de la uzad-instrukcio.
- Informiĝu pri sekura uzado ĉe la produktanto aŭ ĉe la merkat-enkondukanto.
- Antaŭ ekfunkciigi la novan produkton tralegu atente la uzad-instrukcion respektive la produkt-priskribon.
- Uzu la produkton nur en la maniero difinita de la produktanto.
- Zorgu pri la realigo de la sekur-aranĝoj indikitaj de la produktanto.
- Informu kaj instruu la laborprenantojn pri la sekur-aranĝoj.
- Regule kontrolu la realigon de la sekur-aranĝoj.

LEĜAJ NORMOJ

Laborprotekto

§ 33 alineo 3 cifero 2 kaj § 70 alineo 1 cifero 1 de la leĝo pri protekto por laborprenantoj, ArbeitnehmerInnenschutzgesetz - ASchG, originala leĝnumero 450/1994.

Minimumaj postuloj por kelkaj produktoj

Dekreto pri la sekureco de maŝinoj, Maschinen-Sicherheitsverordnung - MSV, originala leĝnumero 306/1994.

Dekreto pri personaj protekt-ekipaĵoj, PSA-Sicherheitsverordnung - PSASV, originala leĝnumero 596/1994.

Dekreto pri malalttensio-instrumentoj, Niederspannungsgeräteverordnung 1995 -NspGV 1995, originala leĝnumero 51/1995.

Dekreto pri simplaj premtenujoj, Einfache Druckbehälter-Verordnung, originala leĝnumero 388/1994.

Dekreto pri medicinproduktoj, Medizinproduktegesetz - MPG, originala leĝnumero 657/1996.

www.arbeitsinspektion.gv.at

Eldonanto: Federacia Ministerio por Ekonomio kaj Laboro, Sekcio por Laborjuro kaj Laborinspektejo. Vieno, Aŭstrio. Tradukita: Aŭstria Esperanto Federacio, ZVR 065398059.

Sen garantio pri kompleteco.
Vieno 2007

MAŝINOJ LABORILOJ MAŝINOJ LABORILOJ MA
ŝINOJ LABORILOJ MAŝINOJ LABORILOJ MAŝI
NOJ LABORILOJ MAŝINOJ LA
LABORILOJ MAŝINOJ LABOR
BORILOJ MAŝINOJ LABORILO
RILOJ MAŝINOJ LABORILOJ
LOJ MAŝINOJ LABORILOJ MA
MAŝINOJ LABORILOJ MAŝINO
ŝINOJ LABORILOJ MAŝINOJ
LABORILOJ MAŝINOJ LABORILOJ MAŝINOJ LA
BORILOJ MAŝINOJ LABORILOJ MAŝINOJ LABO
RILOJ MAŝINOJ LABORILOJ MAŝINOJ LABORI
LOJ MAŝINOJ LABORILOJ MAŝINOJ LABORILOJ
MAŝINOJ LABORILOJ MAŝINOJ LABORILOJ MA
ŝINOJ LABORILOJ MAŝINOJ LABORILOJ MAŝI
NOJ LABORILOJ MAŝINOJ LABORILOJ MAŝINOJ
LABORILOJ MAŝINOJ LABORILOJ MAŝINOJ LA
BORILOJ MAŝINOJ LABORILOJ MAŝINOJ LABO
RILOJ MAŝINOJ LABORILOJ MAŝINOJ LABORI
LOJ MAŝINOJ LABORILOJ MAŝINOJ LABORILOJ
MAŝINOJ LABORILOJ MAŝINOJ LABORILOJ MA
ŝINOJ LABORILOJ MAŝINOJ LABORILOJ MAŝI
NOJ LABORILOJ MAŝINOJ LABORILOJ MAŝINOJ
LABORILOJ MAŝINOJ LABORILOJ MAŝINOJ LA
**MAŝINOJ,
LABORILOJ** LOJ MAŝINOJ LABO
J MAŝINOJ LABORI
AŝINOJ LABORILOJ
NOJ LABORILOJ MA

CE-signado

Signifo por la laborprotekto

